



## Pedro Ballester

SALA

*Kwa ibada ya kibinafsi*

Ee Mungu Baba wa Mbinguni, ulimpa mwanao Pedro imani yenyε kina na uchangamfu, upendo kwa msalaba na bidii ya kuwavuta marafiki wake karibu na Kristo. Niwezeshe pia nami kukutolea kazi yangu, furaha na mateso yangu kwa manufaa ya Kanisa na kwa wokovu wa wote. Kwa maombezi yake Pedro nijalie ninachokuomba sasa (*taja ombi lako*) ili nami nikue kila siku katika imani na upendo wa Yesu, na kutokana na msaada wa mama yetu Maria, nimfanye awe kiini cha maisha na upendo wangu. Amina.

Baba yetu, Salamu Maria, Atukuzwe Baba.

*Kuambatana na amri za Baba Mtakatifu Urbani wa Nane, tunatangaza kwamba hakuna nia ya kutarajia kwa njia yoyote hukumu za Kanisa na basi sala hii haijanuiwa kwa matumizi ya uma.*

Pedro Ballester alizaliwa Manchester mnamo tarehe 22 Mei 1996. Alikuwa kifungua mimba kati ya ndugu watatu wa kiume. Alilelewa katika familia changamfu ya kikatoliki, kaskazini mwa Uingereza. Kutoka utotoni, alijulikana kwa ukarimu wake na moyo wake mwema. Alifahamika kuwa mwanafunzi mwenye bidii na rafiki mwema kwa wote.

Katika maisha yake ya ujana, imani yake ya kina ilimwelekeza kukabidhi maisha yake kwake Mungu kupitia Opus Dei, akiazimia kumpenda Yesu Kristo kupitia masomo yake, urafiki na maisha yake ya kawaida. Kama mfuasi wa Opus Dei aliyejitolea kikamilifu, Pedro alipokea kipaji cha useja wa kitume na akajitolea kikamilifu kwa mambo ya kitume na kuwakuza vyema wafuasi wenzake wa Opus Dei.

Mnamo Desemba 2014, muda mfupi baada ya kuanza chuo kikuu, aligunduliwa kuwa na saratani sugu ya nyonga. Pedro aliyachukulia maradhi haya kama fursa ya kuukumbatia msalaba wa Yesu, na kwa furaha kuu, akatolea mateso yake kwa ajili ya Baba Mtakatifu, Kanisa, na nyoyo za watu wote. Alitangaza jinsi alivyobahatika katika hali hii, na kujiona kuwa mikononi mwa Bikira mwenye Heri. Jinsi alivyovumilia ugonjwa wake kwa ujasiri na utulivu uliwasaidia wengi kumkaribia Mungu na Kanisa.

Pedro aliikabidhi roho yake kwa Mola mnamo tarehe 13 January 2018. Tangu siku ya kufa kwake, ripoti kuhusu neema zilizojaliwa kupitia maombezi yake zimepokewa.

Wale waliopata neema au msaada wanaombwa kupasha ujumbe Prelature ya Opus Dei kupitia anwani ya 4 Orme Court, London W2 4RL ama kupitia anwani ya barua pepe [ocs.uk@opusdei.org](mailto:ocs.uk@opusdei.org)

Kwa habari zaidi wasiliana na [pedroballester.org.uk](http://pedroballester.org.uk)

*Yote haya kwa idhini ya Kanisa.*